



18.02.2021

Flaggreglement for Sogndal kommune

Vedteke av kommunestyret xx.xx.21



1. Heimel

Desse retningslinjene bygger på Lov om flagging på kommunale offentlige bygninger av 29.6.1933 nr. 2, sist endra 15.12.2017 med ikrafttreding 1.1.2018.

2. Generelt

I Norge kan alle flagge når dei vil t.d. på fødselsdagar og andre merkedagar. På dei offisielle flaggdagane blir det flagga på alle stader i landet. Dei fleste private som har flaggstang pleier også å flagge då.

Følgjande reglar er generelle for samtlege private og offentlege institusjonar/personar ved flagging; 1. Eit flagg som heisast på stang skal ha ei lengde som er omtrent 1/3 av stanga når den står på bakken. På vassrett stang (ut frå bygning) skal flagget si lengde vere omtrent halvparten av stanga.

2. Når det skal flaggast på halv stang, skal flagget først heisast til topps og deretter firast til om lag 1/3 av stanga over flagget. Etter gravferda skal flagget heisast til topp. Når flagget skal firast ned frå halv stang skal flagget heisast til topps før det blir firt.

3. I Sør Norge skal flagget heisast kl. 08.00 i månadene mars – oktober og kl. 09.00 i vintermånadene. Flagget skal firast ved solnedgang, men ikkje før kl. 13.00 og ikkje etter kl. 21.00.

4. Dersom flagget skal nyttast som dekorasjon, skal det ha ein heidersplass, henge fritt og ikkje spikrast fast eller plasserast slik at det kan bli trakka på.

5. Å heise to flagg på same stang, er å krenke det flagget som heng nederst.

6. Flagget er fedrelandet sitt symbol, og skal vise flagget same respekt som ein viser Norge.

3. Statsflagget

Flagging i følge dette reglementet gjeld bruk av Statsflagget, utan splitt og tunge, på eller ved kommunen sine offentlege bygningar og eigedommar, eller bygningar og eigedommar som i hovudsak blir nytta av kommunale institusjonar og verksemder.

4. Andre flagg og vimplar

Det kan flaggast med andre flagg enn det norske flagget, det samiske flagget eller kommuneflagget i samband med idretts-, kultur- og liknande arrangement med allmenn interesse ved kommunen sine offentlege bygningar, eigedommar og kommunale institusjonar. Det er ikkje tillate med flagg som symboliserer politisk, diskriminerande eller kommersiell aktivitet.

Det må søkast Sogndal kommune om å flagge med andre flagg dersom ein ynskjer å nytte flagg ved kommunen sine bygningar.

5. Søknad

Skriftleg søknad om flagging med andre flagg skal liggje føre i god tid, seinast 3 veker, før arrangementet skal bli avvikla. Søknad skal sendast til Sogndal kommune. I tilfelle fleire søknadar om flagging på same dag/tidsrom, vil den første innkomne søknad normalt få fortrinnsrett.

Tidsrommet for ønskt flagging må gå fram av søknaden og blir vurdert i kvart enkelt tilfelle.

6. Heising/ firing

I samband med arrangement må det gå fram i søknaden kven som skal ha ansvar for heising og firing av flagget. Flagginga skal berre skje medan arrangementet blir avvikla, frå dagen det startar til dagen det er ferdig.

7. Handsaming av søknad

Søknader etter dette reglementet blir avgjort av rådmannen.

8. Kostnadar

Om kommunen ikkje er heil- eller med arrangør, skal arrangøren stå for kostnaden med flagging. Rådmannen kan gi løyve til flagging utan vederlag for veldedige, humanitære organisasjonar utan kommersielle faktorar. Offentlege flaggstenger er ikkje tillate nytta til kommersielle eller reklameflagg.

9. Flaggstenger – kommunale offentlege bygningar og grunn

Bygg	Lokalitet
Fjordtun Oppvekstsenter	Balestrand
Sagatun Barneskule	Balestrand
Helsetunet	Balestrand
Balestrand Rådhus	Balestrand
Trudvang	Sogndal
Kvåle skule	Sogndal
Kaupanger skule	Sogndal
Kommunehuset	Sogndal
SHOS	Sogndal
Norane oppvekstsenter	Sogndal
Fjærland oppvekstsenter	Sogndal
Tinghuset	Leikanger
Leikanger Barneskule	Leikanger
Leikanger Ungdomskule	Leikanger
Leikanger sjukeheim	Leikanger

10. Tidsrom for flagging

Det skal flaggast på offisielle festdagar og på offisielle flaggdagar ved Tinghuset på Leikanger, Rådhuset i Balestrand og kommunehuset i Sogndal som minimum. Det flaggast også i dei tilfelle Kongen, regjeringa eller Statsforvaltaren ber om det. Flagging skjer elles ved offisielle besøk frå medlemmar av Kongehuset, utanlandske statsoverhovud m.fl. Ved vigslar i Rådhuset/Tinghuset eller Kommunehuset, kan det norske flagg bli heist i forkant av vigsla og firast etter at seremonien er over.

11. Om skular-, barnehagar og andre kommunale institusjonar sine flaggstenger

Ved til dømes skular, barnehagar og andre kommunale institusjonar, vil det vere opp til den aktuelle eining å utarbeide eigen retningslinje for flagging.

12. Andre høve

Rådmannen eller ordførar kan gi samtykke til flagging ved høve og arrangement som ikkje er nemnd over. I tvilstilfelle skal saka leggast fram for formannskapet. Flagging ved spesielle gravferder skjer etter vedtak av formannskapet.